



## Tuhagakhamik Tunihijut

Qilamik Takuupkaqtitakhaq

### **Kavamat Kanatami ikayuqtuiyut Inuinaqnit munarijutini akhuurutinik Taloyuami, Nunavumi.**

Niqiliqivik 12, 2022                      Iqaluit Nunavut                      Iqaluligiyyit Imaqmiutaligiyyitlu Kanatami

Taqyuut atuqniqaqluaqtut inuujuhiuyunik nunagiyauyuni humiliqaa Kanatami. Kavamat Kanatami agiyunik havauhiqaqtut munariyaagani taqyumut havaqatigivlugit Nunaqaqaqtut ikayuqtit, aviktuqhimayuni, ukiuqtaqtumi, havakvuyuni ahiinilu taqyuliqijutinik ilaujutiqaqtut. 2015-mit, Kanata hivumuvaaliqtuq ikiniqhamik 1%-mit avatqumayumik 14%-mut munariyauiqniginik taqyuutigiyatik hinaagilu nunat.

Ublumi, Iqalukni, Nunavumi, Ministauyuq Iqaluliqiniqmik Taqyumiutaniklu Kanatamiutlu Hikuliqiyit, Ihumagiyautiaqtuq Joyce Murray, tuhaqtitiyut 3.53-miliatalamik manikhaakhanik atuqtukhanik pigahuni ukiuni Taloyoani Agunahuaqtinit Naniriaqtuqtinilu Katimayinit, iniaqtut nunagiyauyumi Taloyoani, Nunavumi. Una manikhaakhaq pipkagauyuq Iqaluliqiyinit Taqyumiutaniklu Kanatami Taqyunik Munarinigagut ikayuutikhamik Havaamit, ikayuqniaqhunilu ayuruiagi Inuinaqnit uumayuvaluknik amirinigagut qauyimayauyuniklu katitirijutimik taqyumi avatauyumi. Ilalu pipkainiaqtuq havaakhanik atuqtukhanik uvuuna hatqiqnigagut taqyuq munariyauniganik havaamit Aviqtuuq-mi, Inuit tukuaqhimayaat havakviuluqaqtuqkhaq haniani nunagiyauyumi Boothia Peninsula-mi (Higiqyuami).

Una Inuinaqnit taqyumik munarijut havaat ihumagiyaaqniaquq hatqiqniginik manikhaqhiurutinik pivalianikut atuqtukhanik munarijutauniaqtumiklu qayaknaqtut taqyumi tatinilu avatauyut, ila atuqhimaginaqtukhanik agujutinik, mikiyunik iqaluliqijutinik, aularujiyulu hiniktaqviinik pulaaqtulijutiniklu. Munaritarut ihumagiyauyuq atuqluaqniganik hivituyumik ilipqmainariagani ukua igirlaat nunagiyauyut, nalaumayut Kanataup iniqtirumayanik amigaiqpaaliriagani taqyumik munarijutinik atautikut pipkainiqmik havaakhanik taja hivunikhamilu inuknit Nunaqaqaqtunit munariqatiriigutitut.

Ikayuqtuqnginik Inuit timigiyainik pivaliatilugit qauyimaninqmik agiklivaliayaaganilu ayuruirutit munariyaagani nunami taqyuq hinaanilu nunat havaarilraarumayait ukua Kavamanit Kanatami. Havaqatiriikhimaariami ikayuqtigilugit Nunaqaqaqtut, aviktuqhimayuni ukiuqtaqtumilu kavamanik uumiga taqyumik munariyauniganik, nakuutqiyamik maniknik atuqtitilaaqtugut nakuruyaayumik, nunamiutamilu



ihuaqhautimik nauviulaaqtumik iqataumayumik hilaqyuami uumayuvaluknik ahiuniginik ihuaqhaqlugilu aktuqniriyait hilaap aalaguqniganit.

Una tuhaqtijut uqautauyuq kiguliqmik ubluani Ministauyuup Murray-p pulaaqniqani Ukiuqtaqtumik Nunamik. Atuqtilugu una pulaaqniq Ministauyuq katimaqatiqaquq Nunaqaqaqtunit timiuyunik aniiniklu munariqatiriiktuni ikayuqtinik DFO-kuniklu Hikuliqiyunilu havaktunik Yalunaimi, Inuvik-mi, Iqalukni, Kagiqliniqmilu uqauhiqaqluaqtuq [nutaamik manikhaqvikhamik ilagani Kanatami Taqyuut Munarinigagut Upalugaiyaunmi atuqtakhainik Kanatamiut Hikuliqiyiinit Kanatamiulu Immavaluliqiyinik Ikayuutinik.](#)

## Uqauhiuyut

“Inuit hivuliuyut munariyit Ukiuqtaqtumi, Inuulu hivuliqhuqtit atuqniqatiaqtut munarinigagut Ukiuqtaqtumi immavaluknik ublumi. Una ikayuutauyumik agiqatiriigut ikayuqniaqtuq ilaayunik Taloyoami nunagiyauyumi amigaiqpaaliriagani qauyimayatik ayuruirutigiyatiklu atuqhimaariagani ila ilipqamahimaariagani munariyaaganilu nunagiyamikni immavaluit. Ikayuqtiriigutikut Nunaqaqaqtulu nunagiyainik humiliqaa Kanatami munarilaaqtuq taqyuq hinigiyailu nunagiyauyut, ikiklivaaliriagani aktuqngit hilap aalaguqniganit, atautikut agiklivalianiganik atuinaqtukhalu halumayut manikhaqhiurutikhat.”

*Tamna Nangarnaqtuq Joyce Murray, Minihitauyuq Ikaluliriyit, Tariut tapkuatlu Kanatamiuni Tariuqni Munaqtit*

“Kavamagiyaqtuq ilitaqhiyuq upijutinik ilauniginik Inuit atuqniqatiaqtuq munariyaagani aaniaginiga tayuriyapta ila naamainariagani. Una hulijut hivuliqhuqtauyuuq Taloyoanit Agunahuaqtinik Naniriaqtuqtinilu Katimayinit ikayuqniaqtuq amigaiqpaaliriagani Inuit ayuruirutait amiriinariagani Ukiuqtaqtumi taqyuq hatqiqhivaliagilugit havaakhainik Inuit nunagiyauyuni. Inuit hivuliqhuqtit qauyimanigilu atuqniqatiaqtut ilagiyauyaani atuiqnaqtukhanik munarijutinik Ukiuqtaqtumi taqyumik avagitiyaptiknik.”

*Ihumagiyaautiaqtuq Daniel Vandal, Ministauyuq Ukiuqtaqtumi*

“Piniqpiaqtuq nuna, amigaituniklu uumayuqaqtuq. Munariyaayaagani uyarakhuiqtinik uqhuqyuaqhiuqtinilu kasliiniklu qiniqhiaunit, talva iniqtiqluarumayaqtuq. Tuukliuyut inuuyukhat piquyavut, inuuyukhalu tikitpalianiaqtut, aturiagani atuqhimayaptiknik agunahuaqtiuvluta. Taqyumik munarinigagut havaaq ikayuqniaqtuq uvaptiknik



katitiriyaaptikni hivuniqhijutikhanik munarijutinik upalugaiyaunmik ikayuqtiriikluta uumayut aanigitaagani avatauyuqlu halumainariagani. Hatqiqhiyumayugut havaakhanik hivunikhami, Kanatamiulu qaiyaagani takuyaaganilu Aviqtuuq (higikyuaq) qanurinigani.”

*Jimmy Oleekatalik, Taloyoani Agunahuaqtunit Naniriaqtuqtinilu Katimayini Atanguyauyuq Aviqtuuq-lu Inuit Munariyaanik Atuqhimaaginariaganilu Nunamik Havaami Atanguyauyuq*

“Taqyumik munariyini tuhaqtijut qugalipkaqtaaga. Taimani, mangit iharianinaqtut HTA-kunit, talva quviahukpiaqtuga manikhaakhat qahakhikmata taqyumik munarijutikhanik. Ihariahuktugut inuknik amiqhiyaagani qanurilivalianiginik haniani hinaata Boothia Peninsula-mi (higikyuami) – hunamikliqaa takuyauqatagitunik qanuriliurutimik umiaqtuqtunit, takuvaliavita aalatqiinik qilaluganik tikitpaliayunik? Iliitpaalirumayugut talva munariyaagani, atautikulu, agunahuaqpagiagani taqyumi uumayut. Ikayuqtuq iniqtakhaptikknik atuliriagani Aviqtuuq (IPCA) havaaq, munariyaagani nunakput uumayulu amigainiqhaniklu niqainaqnik qahakhivaaliriagani atuqtakhaini nunagiyaptiknit inuknit.”

*Joe Ashevak, Taloyoani Agunahuaqtit Naniriaqtuqtulu Katimayini Ikhivautalik.*

“Aviqtuuq havaami, ataniqturumayavut ihuaqtit qahaktut. Qauyimayuga havaktitinaqnriryaptiknik amigaitqiyaniq munaqhiyukhanik agunahuaqpaaliqlutalu tayumi uumayunik uvani inigiyauyumi, maniliurutauvaaliriagani inuknit ukunanga havaaqagitunit. Quayagiqpiaqtara una taimainigani. Iniqtirumayaqut ihuaqhivaaliriagani nunagiyaptikni ilauyuni, aliagiyaagani nuna qanuriniganik aliagilugilu uumayut amirihimayavut atuqtakhait hivunikhami Inuit.”

*George Aklah, Taloyoani Agunahuaqtit Naniriaqtuqtulu Katimayini Tuukliuyuuq Ikhivautalikmit*

“Quviahuktugut akhuurutiptiknik pipkaiyaaptikni atuqtakhainik Inuit munariyaagani nunagiyamiknik avatigiyamikniklu, una nalaumakmat Inuit inuujuhiinik atuqtunik Avatiptiknik Munaritiaqniqmik, ihumagitiaqlugit munaritiaqlugilu nunat, uumayut, avatauyuqlu. Gavamat Nunavumi ilituriyut ayuruirutinik pivalianiqmi hulijutainik nunagiyauyunit, aliahukpiaqtugulu takuyaagani Inuit hivuliquhugninik katitiriniganik nunamiutaliqijutinik qauyimaniginik atuqtauniaqtunik hivunikhami ihumaliurutinik Taloyoami Boothia Peninsula-milu, higikyuami.”

*Ihumagiyautiaqtuq David Akeeagok, Nunavumi Ministauyuq Avatiliqiniqmi*



## Ilagiarutikhat Tuhaqtiviuyukhani



Ihumagiyaquiaqtuq Joyce Murray, Ministauyuq Iqaluliqinikut, Taqyumiutaniklu Kanatamiutlu Hikuliyiyiini pulaaqhimayut Iqaluknut, Nunavumi tuhaqtityaamini manikhaakhanik nutaami taqyumik munarijutimik hulijutimik Ukiuqtaqtumi. Iniaqtut nunagiyauyumi Taloyoani, Taluyuani Agunahuaqtit Naniriaqtuqtilu Katimayit ihumagiyaqaqniaqt uumiga Aviqtuuq-mi nunamik (Boothia Peninsula-mik, Higikyuamik.) Ministauyuq Murray ilauviuyuq tuhaqtijutimi uumanga Jimmy Ullikatalikmit, atanguyayuq Taloyoani HTA-kuni.



## Ilitturipkaidjutit

- Taloyoak, Nunavumi tunuunganiiniqhauyuq nunagiyauyuq Kanataupilagiyaani ahiap.
- Aviqtuuq ilaqaqtuq 40-tausit 730 square kilaamitanik taqyumik, 4-tausit 413 square kilaamitanik immiqtaakhanik, 20-tausit 532 kilaamitaniklu kuukanik 45-tausit 039 square kilaamitaniklu nunanik.
- Nuna pipkaiyuq atuqniqaqtunik auyami nunagiyauyunik ilitaqnaqtunik tayumi uumayunit ukunangalu tuugaliknit, qilaluganit, aaqviqnilu. Pipkaiyuqlu atuniqatiaqtumik hitinik ukiumilu nunagiyauyunik nannunit, nuruviuvlutik nunat Ahiaqmit tuktunit amihuaqyuknit, ataaqviuvlunilu Tununganit tukuunit ukunangalu umikmaknit nunagiyauvluni. Amigaitut immiqtaqvikhat tattit kuukalu haniani kuukviuyut avataani taqyuup immainit, ukua Iqalukpigiaktunik.

## Piqatai Atatyutit

[Pivagiagani Kanatami taqyumi nugutailijutinik turaaqviuyut](#)

- 30 -

## Tuhaqpaligiame:

Kevin Lemkay  
Hivuliqhuqti Tuhaumajutinik  
Aapisia taphuma Minihitauyuq Iqaluliriyit, Tariuqni  
Tapkuatlu Kanatamiuni Tariuqni Munaqtit  
613-992-3474  
[kevin.lemkay@dfo-mpo.gc.ca](mailto:kevin.lemkay@dfo-mpo.gc.ca)

Tuhagakhaliat Havaqatigit  
Iqaluligiyit Imaqmiutaligiyitlu Kanatami  
613-990-7537  
[Media.xncr@dfo-mpo.gc.ca](mailto:Media.xncr@dfo-mpo.gc.ca)

## Atatyutilutit

- Malijavatit Havakviuyuuq Iqaluliqiyinit Taqyuniklu Kanatami uvani [Twitter](#)-mi, [Facebook](#)-mi, [Instagram](#)-mi [YouTube](#)-milu.
- Malijavatit Kanatamiut Hikuligiyit uvani [Twitter](#)-mi, [Facebook](#)-mi, [Instagram](#)-mi [YouTube](#)-milu.